

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
Komisija za vanjsku trgovinu i carine
Povjerenstvo za vanjsku trgovinu i carine
Broj: 01/3-50-1-3-16/08
Sarajevo, 4. 2. 2008. godine



БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ
Комисија за спољну трговину и царине

Z A P I S N I K
16. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 4.2. 2007. godine

Sjednica je počela u 11 sati.

Sjednicom je predsjedavala predsjedavajuća Komisije Snježana Rajilić.

Sjednici su prisustvovali članovi Komisije: Mehmed Suljkanović, Slavko Jovičić, Šemsudin Mehmedović, Salko Sokolović, Jerko Ivanković Lijanović, Jozo Križanović i Hadži Jovan Mitrović.

Opravdano je odsustvovao Ekrem Ajanović.

Sjednici su, također, prisustvovali: Dušan Nešković, pomoćnik ministra vanjske trgovine i ekonomskih odnosa BiH, Seid Uzunović i Rasim Šećerović, šefovi odsjeka u MVTEO, Hajrudin Podbičanin, pomoćnik ministra vanjske trgovine i ekonomskih odnosa, Čedomir Ljuboja, šef Odjeljenja za carinsku tarifu u MVTEO, i Emira Češljarić, sekretar Komisije.

Na sjednici Komisije predložen je i, sa šest glasova „za“ i jednim glasom „protiv“, usvojen sljedeći

D N E V N I R E D

1. Usvajanje zapisnika 13., 14. i 15. sjednice Komisije;
2. Razmatranje Prijedloga zakona o poljoprivredi, ishrani i ruralnom razvoju Bosne i Hercegovine radi dostavljanja izvještaja Predstavničkom domu, u skladu s članom 111. Poslovnika Predstavničkog doma, predlagač: Vijeće ministara BiH (amandmane na Zakon dostavili su poslanici: Šemsudin Mehmedović 4.10. i 29.10. 2007., Slavko Jovičić 10.10.2007. i Mehmed Suljkanović 29.10.2007.);
3. Upoznavanje o statusu Prijedloga zakona o izmjenama Zakona o carinskoj tarifi BiH, predlagača Vijeća ministara BiH sa usvojenim amandmanima Komisije i zaključku Upravnog odbora UIOBiH od 15.1.2008.;
4. Tekuća pitanja:
 - a) razmatranje zahtjeva Vanjskotrgovinske komore BiH dostavljenog na razmatranje Komisiji kao nadležnoj od Kolegija Doma u vezi sa izmjenom carinske stope za vučna vozila-cestovne tegljače, prikolice i poluprikolice,
 - b) razmatranje Izvještaja o radu Komisije za 2007. godinu,

c) utvrđivanje Prijedloga Orijentacionog radnog plana Komisije za 2008. godinu.

Ad.1. Usvajanje zapisnika 13.,14. i 15.sjednice Komisije

Konstatirano je da u Zapisniku 13. sjednice nije navedeno prisustvo Joze Križanovića, a u Zapisniku 14. sjednice u tački 2. izostavljeni su amandmani Snježane Rajilić - Poglavlje 44 Carinske tarife s rezultatima glasanja.

Zaključeno je da se izvrši ispravka u zapisnicima 13. i 14. sjednice Komisije.

Zapisnici 13.,14. i 15. sjednice jednoglasno su usvojeni, s navedenim primjedbama.

Ad.2. Razmatranje Prijedloga zakona o poljoprivredi, ishrani i ruralnom razvoju Bosne i Hercegovine radi dostavljanja izvještaja Predstavničkom domu, u skladu s članom 111. Poslovnika Predstavničkog doma, predlaž: Vijeće ministara BiH

U raspravi su učestvovali: Slavko Jovičić, Mehmed Suljkanović, Jozo Križanović, Salko Sokolović, Snježana Rajilić, Hadži Jovan Mitrović, Šemsudin Mehmedović i Jerko Ivanković Lijanović.

Dogovoreno je da se prvo raspravlja o amandmanima Slavka Jovičića.

Slavko Jovičić rekao je da on brani ustavnu poziciju osvrnuvši se na dopis Narodne skupštine Republike Srpske od 17.12.2007. i usvojene zaključke Odbora za poljoprivredu, šumarstvo i vodoprivredu, kojem se Komisija nije obraćala. Stav Odbora je da ponuđeni tekst zakona ne uvažava okvire Evropske komisije iz sektora poljoprivrede i da podržava njegove amandmane. Dalje je naveo da stav MVTEO o amandmanima treba biti jasan, a ne da se djelimično prihvata amandman, što su podržali Šemsudin Mehmedović i Mehmed Suljkanović.

Jovičić je istakao da ne odustaje od predloženih amandmana; da ostaje pri stavu da je oblast poljoprivrede regulirana na entitetskom nivou i da kao poslanik iz RS-a mora zastupati interese RS-a i Odbora za poljoprivredu, šumarstvo i vodoprivredu.

Mehmed Suljkanović zamolio je da predlaž Zakona objasni hronologiju izrade Prijedloga zakona.

Salko Sokolović imao je primjebu na diskusiju predlažača amandmana Slavka Jovičića rekavši da je on dobio saglasnost za lični stav.

Jozo Križanović rekao je da se ovdje radi o ustavnoj nadležnosti države a ne entiteta što se mora formalno gledati kroz odobrenje Parlamentarne skupštine BiH. Mnogi zakoni nisu imali formalni pristanak entiteta. Zakon je u amandmanskoj fazi i prošao je prethodne procedure te vjeruje da je rađen u saradnji s entitetima. Predlaže da se stvar ne vraća unazad, jer to nema smisla. Konstatirao je da rasprava treba teći o Zakonu, te je mišljenja da se Zakonu sa ili bez amandmana na mijenja kvalitet.

Snježana Rajilić rekla je da za Komisiju nije presudno mišljenje MVTEO, a ono treba da vodi računa da amandmani ne budu kontradiktorni. Navela je primjer Amandmana III. i Amandmana II., jer nije sažet stav i dobro urađeno obrazloženje Ministarstva.

Dušan Nešković napomenuo je da je nadležni odbor NSRS-a u julu 2006. godine svojim zaključcima podržao podjelu nadležnosti. Rekao da ima dobrih amandmana, da Zakon treba biti funkcionalan te da se mogu prihvatiti amandmani koji ne remete njegovu strukturu.

Seid Uzunović izložio je hronologiju rada na izradi zakona. U Radnoj grupi za izradu teksta Zakona učestvovali su predstavnici entiteta i Brčko Distrikta BiH, a na osnovu Zaključka koji je podijeljen članovima Komisije.

Hadži Jovan Mitrović konstatirao je da je Zakon rađen u saradnji s entitetima i naglasio da će ga podržati.

Predsjedavajuća je predložila da u osnovni tekst Zakona MVTEO ugradi amandmane.

Nakon iscrpne rasprave Komisija je, sa šest glasova „za „ i jednim glasom „protiv“, obavezala Ministarstvo vanjske trgovine i ekonomskih odnosa BiH da u Prijedlog zakona ugradi predložene amandmane, koji ne narušavaju njegovu strukturu i tekst s ugrađenim amandmanima dostavi: Ministarstvu poljoprivrede, vodoprivrede i šumarstva Federacije BiH, Ministarstvu poljoprivrede, šumarstva i vodoprivrede Republike Srpske i Komisiji za vanjsku trgovinu i carine.

3. Upoznavanje o statusu Prijedloga zakona o izmjenama Zakona o carinskoj tarifi BiH, predlagača Vijeća ministara BiH sa usvojenim amandmanima Komisije i zaključku Upravnog odbora UIO BiH od 15.1.2008.

Zaključak UOUIO BiH od 15.1.2008. podijeljen je članovima Komisije (koje je Komisija usvojila na 13. i 14. sjednici) kao i **analiza amandmana** sačinjena u skraćenoj verziji na osnovu zaključka UOUIO BiH s 85. sjednice kojim UO ne odobrava amandmane Komisije na Prijedlog zakona o izmjenama zakona o carinskoj tarifi BiH predlagača Vijeća ministara BiH. U pomenutoj analizi nisu sadržani amandmani Snježane Rajilić koji nisu prihvaćeni na 14. sjednici Komisije, a dostavljeni su MVTEO. Cilj izrade analize amandmana jeste nastojanje da se dođe do kompromisa sa UOUIO BiH i MVTEO BiH, a prednost je data amandmanima koji se odnose na oslobađanje, odnosno smanjenje carine na repromaterijale.

U raspravi su učestvovali: Jerko Ivanković Lijanović, Šemsudin Mehmedović i Snježana Rajilić.

Hajrudin Podbičanin rekao je da je, s obzirom na to da je UOUIO BiH dao negativno mišljenje na amandmane koje je Komisija usvojila na Prijedloga zakona, Vijeće ministara BiH, na 33. sjednici, održanoj 10. 1.2008., zaključilo da Ministarstvo finansija i trezora BiH, kao nosilac aktivnosti, u saradnji s MVTEO, UOUIO BiH i predstavnicima Evropske komisije u BiH, pripremi i Vijeću ministara BiH do 15. 2.2008. dostavi prijedlog mjera koje su u nadležnosti države, a s ciljem ublažavanja udara na najugroženije kategorije stanovništva.

Čedomir Ljuboja rekao je da će MVTEO Vijeću ministara BiH predložiti da posebnom odlukom, u zavisnosti od situacije na bh. tržištu, u pogledu snabdjevenosti stanovništva i proizvođača prehrambenim proizvodima i sirovinama može otvoriti tarifne kvote za uvoz poljoprivrednih proizvoda koji se svrstavaju u poglavlja 1-24 Carinske tarife BiH.

Dogovoreno je da predsjedavajuća Snježana Rajilić, Jerko Ivanković Lijanović i Šemsudin Mehmedovićem u toku dana obave razgovor s ministrom vanjske trgovine i ekonomskih odnosa BiH i da dogovore prijedlog usaglašenih prihvatljivih amandmana na Zakon, u odgovarajućem obimu i uz odobrenje Upravnog odbora UIO BiH.

Imajući u vidu da su u toku aktivnosti Upravnog odbora UIO BiH i Ministarstva vanjske trgovine i ekonomskih odnosa BiH za ponovno razmatranje amandmana na Zakon, Komisija je **zaključila** da, na osnovu člana 111. stav (4) Izmjena i dopuna Poslovnika Predstavničkog doma Parlamentarne skupštine BiH, zatraži od Kolegija Doma produženje roka za dostavljanje izvještaja o navedenom zakonu.

4. Tekuća pitanja:

- a) razmatranje zahtjeva Vanjskotrgovinske komore BiH dostavljenog na razmatranje Komisiji kao nadležnoj od Kolegija Doma u vezi sa izmjenom carinske stope za vučna vozila-cestovne tegljače, prikolice i poluprikolice**

Sekretar Komisije upoznala je prisutne o tome da je navedeni zahtjev VTKBiH, dostavljen članovima Komisije, informativnog karaktera i da je u dva tarifna broja Vijeće ministara BiH predložilo nultu carinsku stopu umjesto dosadašnje 10%. U ostalih šest tarifnih brojeva Komisija je usvojenim amandmanima također predložila ukidanje carine.

Navedeni zahtjev članovi Komisije primili su k znanju.

- b) razmatranje Izvještaja o radu Komisije za 2007. godinu**

Uz određene primjedbe predsjedavajuće Komisije s ciljem poboljšanja teksta, Komisija je usvojila Izvještaj o radu za 2007. godinu.

- c) utvrđivanje Prijedloga orijentacionog radnog plana Komisije za 2008. godinu**

Imajući u vidu da Vijeće ministara BiH nije dostavilo svoj Plan rada za 2008. godinu, Komisija nije mogla detaljnije precizirati radni plan.

Nakon što je predsjedavajuća Komisije predložila da se u Radni plan za mjesec maj, juni i juli 2008. godine uvrste posjete zemljama potpisnicama Sporazuma CEFTA 2006., prema nerealiziranim posjetama iz 2007. godine, te da se ponovo planira posjeta Saboru Republike Hrvatske, Komisija je utvrdila Radni plan.

Zaključeno je da se materijali iz **tač. b) i c)** dostave Predstavničkom domu i Kolegiju Doma.

Sjednica je završena u 13,15 sati.

Sekretar Komisije
Emira Češljar

Predsjedavajuća Komisije
Snježana Rajilić